

金吾

人金吾憲錄全

This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with visible vertical creases and some minor discoloration or foxing, particularly along the edges and in the center. There are several small, dark brown spots scattered across the surface, which are characteristic of age-related wear. The page is framed by a thin, dark border, possibly from the book's binding or the edge of the scan. The overall tone is a warm, off-white or light beige.

嗚呼急書蒼黃危機慘惓乾坤震薄雷霆變色凶鋒
毒鏑信信傍伺觸虀撻粉之勢迫在呼吸之間耳當
此之時上命一金吾即縛而致之則金吾即承
命而出無辭而去噫噫千萬人吾往之勇固不可責
之於人人而我國家一脈綱紀之移易不得者則有
王府之舊憲矣是以操切而糾檢之戲譴而飭勵之
在右位而施之無難在下位而當之無怨不敢有其
齒有其勢而後可以無臨事做錯之患也然則操切
之功有倍於平日之培養戲譴之習及勝閑處之高
談一切縛束於平常無事之時不得推諉於死生臨

急之際者信乎府不可以無憲有憲則不可以不嚴也若夫桴鼓絕警囹圄空虛孟盤淋漓談笑雍容或繫纜於西湖或盍簪於北營竟日團藥不醉無歸此又他司之所無者也古人之願作執金吾者良有以矣嗚呼憂樂無常苦歎有時自初設施之意夫豈偶然而一傳再傳訛襲謬餘者無幾存者未瑩凡於日用應行之事踈漏脫畧者十居八九當其急遽之際只憑下吏之口則後之人於何所攷據而遵行之也遂與諸僚博採於古今傳聞及前後完議或提綱而儔分之或立目而彙列之畧者詳之漏者補之使

一府之金科玉条燦然復明而不敢以己意參錯於其間者恐得僭妄之辜耳若其永久遵守之責竊有望於後之諸君子

崇禎再甲子復月初吉咸陽朴鳴陽記

凡百官司莫不有定規成憲載為謄錄傳之來後蓋欲其有所考據無或壞亂也況本府之以待變重地素有聽風之名乎余於入府之初取閱其府中規憲則詳畧相因巨細畢舉今条立目井井可觀而一言以蔽之曰尊右位也尊右位故令施而必行令必行故事定而不困於是乎待變重地之體得而聽之以

風名者不其然乎然則其載錄而傳來者雖謂之羽翼於闕和可也顧不重歟錄之始成在於再去甲子距今已餘八十年矣惜其紙敝而毛墨剝而脫徃徃字畫難辨處苟不有以繼而新之幾何其不蕩無考據不期壞亂而自壞亂乎余為是之慮茲庸無所損益易紙前本只圖久遠之方即較若畫一遵而勿失之意後之於今亦猶今之於昔推徃告來謹附小識如是云爾

歲丙戌孟秋下澣宣城李宜鉉書

金吾記義

金吾之立官名非邃古也稱諸王獄吾東即然按漢書百官公卿表中尉秦官掌徼循京師武帝太初元年更名執金吾顏師古註曰金吾鳥名主辟不祥天子出行職主先導以禦非常故執此鳥之象以名官又按後漢百官志執金吾掌宮外戒司非常水火之事月三統行宮外吾猶禦也應劭註曰執金革以禦非常胡廣曰衛尉巡行宮中則金吾徼于外相為表裏禽奸討猾唐韋述西京雜記京城街衢金吾曉暝傳呼以禁夜行又按崔豹古今註曰金吾車輻棒也漢官執金吾吾止也以銅為之黃金塗兩末謂之

金吾御史大夫司隸校尉亦得執焉凡茲諸說不同而俱非王獄之稱也吾東則高麗時設金吾衛亦名脩巡衛有巡軍獄禽奸猾曰之蓋亦依倣乎徼循禽討之漢制也其後大臣朝士有罪輒下巡軍獄故金吾衛遂為王獄我朝受命置義勇巡禁司亦取徼循之義而司負多額不相統攝故有封崇之規品秩等夷無以糾檢故有罰例之名遂以口傳之次嚴其右下之位太宗十四年改為義禁府置鎮撫官猶是檢察義勇之義仍以專掌刑獄設判事之官蓋因麗氏王獄之制也然而漢制畧有存者每主上

動駕本府即官例為導駕是則天子出行職主先導也本府舊有玉牌糾察三司之禁是則有近乎與衛尉相表裏也且故事本府即廳一員例兼禁火司別坐此則司非常水火之事也至若禽奸討猾本府是其職也槩以言之金吾之名稱諸王獄蓋有由也居是職者顧名思義可也

丁酉季春之朏直中漫書晉陽河百源穉行甫

倫巡衛有巡軍被命糾察曰之蓋亦休微乎微猶金
 可百老制之國在久矣事者青制統者為事事微金
 吾對難為國事思之有制也今事者易地者曰天
 其海國無風言之國者我欲有耳猶蓋金命曰
 半其國同其制來天之神也其海國其結事本其
 國師未東也且其事本其制也其國其事本其
 其國其事本其制也其國其事本其制也其國其
 其國其事本其制也其國其事本其制也其國其

金吾廳憲目錄

設立官府拿押開坐設鞫頃稟

出使侍衛進排封崇座次入仕

許叅差任重來上直回公糾檢

操切受由式暇禮木分兒褒貶

報仕先生長房古蹟追錄附工房節目

完議

卷之

三

年

月

日

時

刻

分

金吾廳憲

金吾鳥名取其驚悍之義

設立

太宗朝十四年改義勇巡禁司為義禁府置提調鎮撫知事都事

一掌奉 教推鞠及士庶申訴告牒等事

一判事從一品知事正二品同知事從二品凡四員皆以他職兼帶

一即廳十員中叅上稱經歷叅下稱都事古例則叅上叅下各五員而中間變易叅上八員叅下二員矣今 上庚戌鞠獄時以為叅上隨即遷轉而殊

無久任責成之意俾復古規今則叅上叅下各五
員差出事

一別設當直廳于 闕外即廳一員受 牌入直晝
夜不離凡大小公事即通本府使即舉行事

一本府大小入 啓文書送于當直則入直即廳即
為親呈政院事

一若有不時嚴急之事則自當直走通其幾微使各
位即刻齊會待令事

官府

一本府在中部堅平坊

一王府重地體貌非比他衙門司員非冠帶無得出
八事

一本府有大廳癸坐丁向坐起處南有虎頭閣罪人
捧招處東有東西兒房二處四堂上歇所北有蓮
亭夏節歇所西有挾軒軒西有即廳房及大廳即
廳一會處有西軒新位所住處西庭有府君堂西
邊十間內四間作樓樓上三間藏置文書一間藏
置雜物樓下三間廚房四間書吏長房二間雖稱
長房曾經堂即先生所囚處南有三間正門正門
判事東門知事西門同知事出入三門外有大門

正門堂上出入西挾門則卽位及曾經先生出入
而非先生則不得出入推鞠時問事卽廳及兩司
堂上以下官出入東挾門則下人及罪人出入而
非先生各司官負亦為出入大門外有望門三門
正門則官負出入西挾則下人出入東挾則罪人
出入

一雖輕囚所在處卽廳無得出入事

一本府罪人所囚西一間通三間二間三間各通二
間輕囚所在處南十八間東十四間重囚所在處
一樓上庫所置文書卽逆獄推案日記謄錄冊推案

則堂上備二員後主管開閉謄錄則入直即廳專掌出入

押拿

一凡罪人監兵水使及犯逆綱常罪人則即廳拿來堂上以上書吏拿來堂下以下羅將拿來六卿以上則即廳拿押堂嘉善書吏拿押堂下羅將拿押若圍籬則勿論堂上堂下即廳拿押事

一罪人拿囚之際入直即廳具公服坐衙羅將左右排立依例拿入親功臣堂嘉善外俱項鎖下獄重囚則俱枷杻足鎖下獄事

開坐

一本府坐起之日堂上遠望二次呼唱後卽廳以次序立祇迎罷坐時亦以次序立祇送而若首堂先入已行祇迎則次堂前勿行事

一首堂上北壁知事東壁同知事西壁並交椅坐卽廳以次先進首堂上前揖東西壁同

一開坐後書吏列立於虎頭閣跪拜而北壁東西壁各單拜羅將等列立於西庭跪拜事

一醫律官拜於楹外

一問事都事二員交代立於床東曹司立床西罪人

捧招及讀 傳旨事曹司皆當事

一坐起時任事推諉於右位者論罰事

一本府新堂上出官時即廳行堂叅禮而諸郎廳序立虎頭閣後請謁再拜

一凡議處照律則首堂上為之禁推照律則次堂上為之原情捧招及例刑則次堂上備二員為之決杖則次堂上一員為之

一開坐時洞開大門及望門大路上禁雜人往來事
一決杖時曹司即廳下直堂上前步出望門外交椅坐交代即廳坐於堂上前畫杖數決杖於望門外

大路上事

一犯逆綱常罪人用刑時捧甘該司各備諸具後次堂上一員開坐出罪人典獄署官負主管押去本府曹司即廳亦為糾檢監刑事

一開坐後醫律官及本府書吏羅將典僕守直軍士外凡干雜人毋得出入事

一凡坐起 國恤及自 上避正殿時皆平坐事

一推鞫訊杖廣九分厚四分三省訊杖廣八分厚三分本府訊杖廣七分厚二分

設鞫

一三省推鞠時委官主壁判事東壁知事以下皆西壁皆交椅判事委官前進前相揖知事同知事亦次次進前相揖仍為開坐問事即廳二員請謁進前揖于委官前仍揖于東西壁本府即廳亦如之然後兩司請坐入來嘉善直來進前相揖如右西壁堂上則隱身請謁相揖南行坐堂下則序立請謁相揖南行坐承旨入來進前相揖西壁罪人捧招等事一如本府坐起例而推案往來承旨專管一逆獄本府開坐則三公原任皆叅而平坐判事以下皆進前拜本府即廳則楹外拜無東西壁禮數

問事即廳四貲本府亦出別刑房二貲文書色二
貲推問之舉別無異同推案文書則承旨以密匣
出入凡事本府主管

一闕庭推鞠時相位東壁判事以下西壁相位前進
前跪拜後並西壁其次承旨臺官其次問事即廳
其次別刑房文書色而禮數一如本府例凡事政
院主管文書則承傳色以密匣出入

一凡鞠獄時假都事某貲自本府預先草記 啓下
事

一親鞠時別刑房二貲文書色二貲守幕一貲上經

歷詣首堂上前一從下口傳劃出而當次之負出使未出代之前則亦為沂次以行事

一問事即廳 啓下事上經歷稟于大臣前舉行事

一別刑房文書色書吏各二人式上經歷劃出事

一鞠獄時府中凡事入直當之 闕中凡事當直當之

一親鞠時罪人押領上下之役則別刑房文書色守幕五負外一從口傳舉行而不許臨時變易取便事

一鞠廳時羅卒檢飭等事上下兵房主管而下兵房

專當事

一重囚朝夕及無時所食之物入直即廳必自看審
器皿出給之際亦然

一鞠獄時或有實即廳出使之役則勿論守幕直以
曹司差送事

一鞠獄時大臣前或有史官 批荅傳諭事則來時
由內外大門正路而入去時則東挾出若有復命
則自正門正路出事

一本府即廳或有奉承 傳教來傳於本府之事則
入自正門出自西挾事

一鞠獄時差備出使當次之負或有厭避推諉之事則即稟于堂上前草記拿處斷不饒貸事

一本府有月令一人律官一人若有鞠獄則自兩醫司治腫廳別定救療官各一人輪回守直事

頌稟

一宗廟五享大祭前一日及正日 奉審日 陵上

改蒞草時移還安間及有告火時 社稷大祭二

日 國忌二日日月食日 大祭親祭齋戒三日

攝行二日 各殿誕日無時別祭迎勅拜表方物

封裏望闕禮習儀陳賀庭試殿試殿講放榜罪人

用刑日停朝市日祈雨祈晴祭齋日以上頃稟祭

時若親臨誓戒則自其日頃稟

一除視事頃稟外受香及享祀日罷齋後雖不用

刑杖依弦望晦朔例並令開坐事

出使

一卽廳奉命出使則序立於二品之上

一鞠獄出使一從口傳差送事

一鞠獄出使一從口傳差送自是流來不易之古規
故中間有兩次劃出者而以越次違規至於不仕
拿處之境而終不替往際永久遵行之規不可一

朝壞損故也自今以後一依舊例從口傳差送勿為劃出事稟于堂上前定式施行事

一鞠廳出使從口傳當其苦歇遠近明有定式而近來或有下位而取便者亦有右位而赴遠者殊無法意既往已矣從今以往雖在蒼黃急遽之際出使司員亦必據完議爭執事

侍衛

一城外舉動導駕二員考喧二員城內導駕二員考喧二員挾輦二員駕後二員假當直一員本府入直一員事

一城內諸侍衛黑團領佩劍城外隨駕四員紅衣羽笠佩劍弓矢餘外諸員俱以戎服迎送而回鑾前直宿本府事

一陵幸遠近依兵曹啓下節目本府即導駕考喧各二員陪從是古規近初謬規近陵則依數盡去遠陵導駕或以一員舉行事體未安莫此為甚自今依古規毋論遠近導駕考喧各二員永為定式事

一侍衛時或有上言擊鈔及雜人犯路之事則本府責當部出付事

一十頁中一頁或值在外則草記變通或值奉命
則草記相換事

進排

一推鞠則鞠廳凡干所用之物各該司進排三省推
鞠同事

一本府所用 啓目紙四卷公事下白紙二十卷自
長興庫逐朔進排四堂上及入直卽廳當直卽廳
所用筆墨問事筆墨自工曹逐朔進排事

一本府所用柴炭其人進排燈油三升義盈庫逐朔
進排訊答杖貢物進排事

一本府囚人地排空石豐儲倉廣興倉軍資監逐朔
進排三冬獄巢六同司僕進排事

一鞠獄犯夜則炬燭義盈庫其人進排本府坐起則
工房擔當修掃則府內洞內當直修掃則備邊司
契劃給事

一本府官舍獄間牆垣頽圯處捧甘營繕這這修補
事

一罪人藥物典醫監進排罪人飲食供饋等事各該
司進排省鞠罪人則該邑京主人進排事

封崇

一上經歷封崇之規或有以資級為之之時或有以圈點為之之時中間之從口傳者未知初在何時也第念上經歷乃一府中即僚之首席其事體之尊重為如何哉而只以資級口傳為之者殊無重事體之意自今一依廳憲中所載圈點之古規為之事

壬子
完議

一經歷中已免新者列書于紙置于屏內案上後未免新叅上及叅下五頁盡為圈點而一人式入圈

事

壬子
完議

一尊號頒赦賀箋等戲謔之事未知初自何時而至

今遵行事

一上經歷即席之長也專檢一司不可暫曠故廳中古例上經歷如有遞易之事而東壁中無以次例陞之負則新位中當陞之負出官則依例為之而當其免新之期計除十日許以免新仍為上經歷封崇而上經歷未封崇之前一都事專檢一司事

一本府都事一負之窠間有以文武差出之時而至於上經歷封崇之時則只以南行議定施行而文武則勿論事

一上經歷為任專檢一司其不輕而重也如此故廳中故例一經上經歷封崇之後則雖有曾經上經歷之負重來而不得陞降所以重其體也或拘於資級高下間有陞降之時墜落古風莫此為大此後則一依古例遵行以重體面事

一曾經上經歷則勿為公事負及做度凡干接待一依時任上經歷事

一凡輪直禁亂官時上經歷不敢分差事

一堂上坐起及各位一會之日上經歷仕進後退後仕進之負論罰事

一上經歷入來之時各位俱公服起居路上相逢則
回馬首事

一本府或有不時急遽之事則或命首都事故上
經歷則不得取便出使事

甲子
完議

座次

一凡各位則別無從資級座次之語只有口傳次第
之議則其一從口傳從古而然而中間專以資級
為重雖新進曹司免新之後便居右位之上其在
廳風殊未妥當其間亦不無難便之事此後則上
經歷外一從口傳今東西定其座次以為定式之

地事

入仕

一新 除授都事在京則 除拜日出仕經歷在京
則 除拜翌日 肅拜而過一日則不計重来行
中罰禮過二日則行大罰禮過三日者新來則免
新退朔重来則做度後本府當直交代中限十日
罰直而在鄉者計其往還日子過限則依古例施
罰事

一金吾自是苦地新 授司負即刻出仕蓋是定式
而近來或有不即出仕身病不仕牌子來到緊緣

新位未諳廳規而然從今以往新除司負當日
內不即仕進則雖有實故身病出仕後免新退朔
施罰之意禮吏即為進去告課使之催促出仕事

辛酉
完議

一新位出官前二次大大罰依例進呈事

一則新入
金吾未諳

廳規一則高卧
當直傲視右位

一出官前廳中以新位稱號事

許叅

一新來之負叅上則肅拜後四十五日而行出官
禮又四十五日而行免新禮叅下則出仕後三朔

而行出官禮又三朔而行免新禮只計朔而不計日子事

一出官免新一會若值國忌則不得開坐事國忌及日

月食火災停朝市外他齋戒勿拘

一出官免新既定日子之後或值朝家不時齋戒則新位既熟之饌全棄有弊故或於私室設行而待後日公會稱號事

一出官後始以前路出入書吏羅將行重徒禮

一出官後廳中以一新稱號出官司負數多則以一新二新從先後漸次稱

號

一免新日分帖自是舊規必待分帖然後許叅事
一新位免新日上經歷公事員中雖有故公事員一
員及各位二員進叅則設行事

差任

一二經歷為上公司員一都事為下公司員糾察一
司而若無經歷位則一二都事為之事

一工房奴婢色則列書各位首堂上前畫出而上經
歷主管事

一一都事例兼上兵房曹司兼下兵房事

一刑房之任曹司例兼事

一工房掌贖錢廳中日用鋪陳屏帳等物一並酬應
奴婢色掌本府各處奴婢貢錢庫直朔下債入直
馬太及陵幸時陪從司負糧資等物一並酬應
事

一上經歷掌書吏上兵房掌羅將凡出使等事一從
井間無得違越事

重来

一新位重来則並計前仕免新事

一曾雖除拜未及出仕而徑遞者勿以重来待之事

一重来做度本府當直各十日而本府當直俱有新

位則交代察任交代有曹司則待三曹司免新後施行而未免新重來之員時有曹司則待曹司免新行做度事

一重重來做度本府當直各五日而本府當直俱有曹司則交代察任事

一重來之員例有做直既有做直則不可無重來之禮出仕之後依中罰禮進呈重重來則依小罰禮進呈曾經上經歷則否事

一新位重來並計前仕免新自是舊例而若以叅下未免新前相換他司後日以叅上重來則並計前

仕以九十日免新事

一叅下新位未出官前相換以叅上重来則前仕通計以四十五日出官出官後相換重来則以前出官日計四十五日免新事

上直

一前期一日禮吏持分記往上兵房前本府當直入直當次司負自下達上二日式分記而勿推諉事

一各位上直交代本司辰時當直卯時過時則罰直一日甚者二日事

一新來免新後則例直一日間直一日後仍行輪直

事

一新來之員得三曹司而來者免新後本府當直各
做度二十日本府當直若有後來新位則交代四
十日並行事

回公

一本府公事勿論緊歇緩急事體至重入直即廳請
坐交代後即刻回鑑于諸堂上前不敢暫時濡滯
而如或遲緩則廳中齊會施罰事

一各位免新後本府當直例有輪直之規而至於公
事則免新中曹司限得新曹司在家回公事

一在家回公當次之負托故推諉則三日內各位齊進其家定捧罰例事

糾檢

一本府廳風極嚴

一各位中或有當責者上經歷責公事負公事負責當責者新位中或有當責者公事負責一新一新責當責者次次糾檢事

一公事負糾檢同僚勤慢而各位凡有可論之失而公事負不即舉論則並為論罰事

一坐起及一會之坐各位呈病無過二負而衆所共

知之實病者外呈病則論罰事

一凡府中大小公事當次之負托以私故他負代行則托故者代行者並大罰禮雖右位亦論罰事

一凡廳中公事時雖有一二負橫議勿為拘礙從多

定行事

一各位脩三負後言語不恭者體貌不遜者或以罰禮或以罰直或以沒頭從輕重議罰事

一新位中或因見責之事而不思廳風之有在反以見責為怒不仕為言而各位中或不無動起私意和解之際自損體貌自壞廳風今後如有因循謬

習者一切施罰事

一近來廳風大壞或有所見牴牾之事則輒書不仕而出王府重地固不當如是自今以後如有不仕之舉勿論新舊位即告堂上前事

一凡輪直回公及交代當次之員推諉於他員則衆所共知實病外在家稱頌或致生事之患則當次之員現告事

一近來廳風大壞凡於公座無故不來其在體例不當如是自今以後一會坐起及當次公事時如有托故不叅之員則罰直三日而施罰之後猶踵前

習則大罰禮進呈罰直六日事

戊申
完議

一金吾新右之嚴截非但為相敬之道抑亦存廳憲之重而近來盃酒之間言語之際戲謔成習聲色相加至於翻席起居者作羞恥司負禮吏有若言詰體貌不成瞻聆俱駭從今以往在右位則凡干公會切勿戲謔在下位則應行體禮毋敢違越如

有胥失俱施敬責事

辛酉
完議

操切

一凡府中大小任事各位新位並從口傳取便而下位則無得違拒事

一新位對右位凡干飲食言動起居一向恪勤不敢怠慢路逢右位則回馬首事

一凡府中曹司之役新位或請須資於右位而右位拘於顏情許其須資則右位以護新論罰而新位亦施大罰禮事

一各位毋得私詣新位處如或不遵廳憲任意出入則以護新論罰事

一金吾新位操切之規非所以為右位自尊之地蓋此是苦役苟無一定之制或有拘顏之事易致解體之患故也而近來右位雖以公體間事若有相

警之言則下位輒生頡頏之意必以不仕為第一
義故為右位者乃反求解不得廳風由是而壞損
無餘誠為寒心從今以往下位以公體有所失之
事沒頭懸罰罰禮等法這這施行若有違拒之色
加以免新退朝之規而下位終不遵行大段相較
雖至不仕之境右位則不必以同去就為心勿復
為一並呈旬之計事

辛酉
完議

受由

一各位由狀必經廳中可否然後呈堂上而毋過二
負新位則毋得呈病事

一金吾司負雖是右位不敢受由自是定式而近來
此路一開便成規例遠近鄉行無難請由從今以
往在京請暇雖或許之而下鄉由狀一切防塞不
待公司負前停當禮吏先為據例告課事辛酉定式

式暇附服制

一凡式暇書某親忌辰牌子然後依法典給暇而各
位則親忌三日自祖考妣至高祖考妣外祖父母
妻父母各限二日新位則只給親忌二日事考招
坐起雖親忌不得由

一各位服制期年七日大功五日小功總麻各四日

而新位則期大功外祖父母妻父母喪限成服給
暇事

一科舉設場之後服制式暇試官亦不得懸頌而禁
亂官分記時多有緣此推諉之弊此後則禁亂官
期大功外祖父母妻父母喪及親忌外服制式暇
一切勿許事

一本府式暇之規只許忌祀而不及時祭者雖未知
當初旨意之如何而考見大典給暇條則時祭主
祭者及衆子式暇二日府憲之不載明是闕文自
今以後依大典許給式暇而各位則主祭者三日

衆子則二日新位則只許主祭者二日事

諸僚若於一時

并行時祀則先許上經歷以下
五位其下母得一時並行事

甲寅
完議

禮木

一本府長房乃是即廳先生就理時所處之地也蓋
即廳中叅上則九十日叅下則六朔後行許叅禮
始稱先生許入長房雖未滿一日者不以先生待
之勿許長房者乃所以尊先生而嚴廳規也至於
堂上則元無許叅之禮故亦無先生之稱而曾經
堂上中或有就理之舉不得入處長房乃是三百
年古例而中間違越廳憲入處長房即廳拘於相

敬之道不能據例防塞因循至今便成謬習則堂上體尊雖無許叅之禮而既與即廳先生同入長房則至於外任禮本似不可異同此後堂上先生中為外任則監兵水使木十疋畿伯留守則半之府尹牧府使七疋郡守縣監五疋式定數永久遵

行事

甲寅畿邑則半之完議

一以時任即廳除拜外任則有廳中筆債七兩西廳筆債二兩鋪陳債二兩辭朝日即捧事

一以本府即廳移他職而除拜外任則只捧鋪陳債二兩事

一本府鋪陳屏帳等物年久廢毀而工房無留財則
曾經先生之時任各邑處發簡求請事
一堂上鋪陳改脩時各道監兵營求請事

分兒

一曆書分兒則自奴婢色擔當事

一即廳各位親忌四兩燭一隻自奴婢色造送事

一束筆分兒則一都事擔當事

一庭謁聖正草工房專當節製增別試時自奴色工
房分半正草紙一事式堂即各位前分兒會試則
當赴各位及堂上子弟中當赴會試處一事式奴

二兩色分半分兒事

一本府筆債載於廳憲而分筆之規無分明載錄者
前規不免叅差每當分送之際輒有眩錯之患今
後則元筆只分兒於右位西廳筆則無論多少盡
屬新位而叅完議諸員中或有遷轉者視完議中
時任僚貲折半分兒而同政遷轉雖有先後並勿
論完議後司貲則勿許分兒完議之規則僚貲
除拜外任之日禮吏列書位次以成完議者
一堂上禮木筆即廳均分分兒之規一如廳筆而堂
上禮木則既無西廳筆債新位則勿預事

褒貶

一兩等褒貶當月初一日四更頭上經歷親稟首堂
上定日後曹司郎廳回報諸堂上事

一定日罷漏時曹司郎廳詣四堂上前請坐開坐後
諸郎廳行公私禮皆以紅團領為之事

一公禮則立庭請謁私禮則與坐起禮同事

報仕

一初入仕為都事者三十朔計日自叅奉移拜者同
自他各司奉事相換者通計前仕事

一都政時自本府計仕移文吏曹事

先生

一堂卽先生就理時許入長房使喚使令廳直茶母各一名差定柴油炭亦為上下事

一雖值先生多負就理之時上下長房廳直各一人雇立外不得加定事

一拿入之際不敢迫促褻慢決杖贖錢折半許捧事

一凡先生入來時呼坐事

一廳中罰禮及下人附過一並蕩滌事

一勿論罪之輕重既令蕩滌之後廳中不敢更為舉

論事

一本府自是尊先生衙門先生之子來仕此府者宜
有加待之道而考諸廳憲無舉論實為欠典自今
以後即廳先生親子弟叅上則四十日而行出官
禮又四十日而行免新禮以除十日之後叅下則
二朔半出官又二朔半免新以除一朔之後永為

定式施行事

已未
完議

一本府之尊先生異於他司而及其父母已妻之喪
無一羅將定使喚之規殊非尊先生之本意也生
則待之以先生遭喪變及身死視若初不相識者
然其所尊之之意果安在哉自今以後先生之父

母已妻喪書吏羅將各一人限成服定送發引前
羅將一名亦為定送而返虞時書吏一人定送以
表尊先生之本意而鞠獄多事之時則書吏勿許
定送事若值羅卒不足時工房奴色雇立定送事
癸亥完議丙戌七月日堂即更為完議後
書吏定送永
為革罷事

長房

一本府下長房乃所以尊先生者而非先生不得入
處者自是三百年流來古規也近來廳風日壞非
先生而就理者或有不顧事體冒入仍留者即廳
中或有拘於顏情開門許接事之寒心莫此為甚

況大臣及前後首堂以此申飭非止一再至有
違奏痛禁論罪該郎之意則長房事面尤有較重
者今後則未經堂即先生之人切勿許入而雖即
廳中至親尊行毋敢許借凡有冒入者則掌務書
吏即為馳告于諸堂上及郎廳前以為禁斷之地
該郎及許入之員從重論罰刑吏外直等各別科
罪後永為除名而掌務書吏若不馳告則亦為科
罪除名事完議

古蹟

一本府有玉牌凡三司之出禁時刻必牒報本府則

本府以玉牌出禁吏糾察三司之禁吏過時則因禁其三司禁吏徒配于造紙署矣壬辰倭亂玉牌闕失故仍以廢之

一卽廳赴公出入羅將前導無端中廢至

孝宗壬辰本府堂上草記卽廳所帶羅將跟隨者既非古例且非王府體貌尊嚴之意自今卽廳所帶羅將復古例前導事 允下矣近復廢却不行一府內有左右屠肆兵亂後廢之

一回公都事乘驛馬中間因兵曹 啓辭廢之

一本府卽廳一員例兼禁火司別坐中間革罷以巡

將代察而燒火手本則各契至今呈于本府

一當直古有登聞鼓而未知廢自何時

一即廳之除拜外任者古有禮木八兩而今則革罷

一天使往來時本府即廳一頁差儼禮廳即廳作軒架矣今皆革罷謄錄至今在府

建錄

一上下兵房親率羅將逐朔習杖乃是古規羅將四番中抄出有膽力者各五人合二十名每月十五日有故則退以上下兵房率往僻處者檢習杖而

雖值兵房入直之時次次須資無得違越事完議子

一曾經二品官夫人若有鳴冤之事則親呈上言
于當直當直送言于本府本府回鑑諸堂後還送
于當直則當直即聽親呈政院事

一曹司中免新當次之負或有出使相換之事而相
換日子若在免新日限前則復命後廳中齊會

當直免新分帖等事依例為之仍書先生案事

一親鞫時帳殿出使之際無論別刑房文書色一
從口傳次次奉命而或有堂上越次指名差送
之舉則廳中據例爭執而當次不去者亦宜引義

自處不敢晏然行公事

一別刑房文書色若皆以右位劃出則下位之出使當次之負盡為待令於帳外事

一時因若於即廳為親父兄内外三寸妻父則兩處入直文書舉行之際事體有碍雖新位自廳中從口傳推移須資事

一本府上經歷封崇自是國朝古規且專檢一府而為即席之長則不可暫曠故如有違易之事則諸郎齊會圈點免新經歷中從公議即為就坐亦是前例而每當封崇當次之負間或以須赦尊號

賀箋等事有規避相持之弊以致一廳紛紜事體
乖損聽聞有碍此等戲謔非但流來傳規亦是風
流好事則決不可廢者從今為式諸貢圈點之後
準點之貢趁即就坐勿生圖避之計必欲圖避則
即為不仕而廳中亦即捧納停當俾免首席之久
曠一廳之紛紜事

一鞠廳出使自下達上平時出使時自上達下自是
廳中前規而或因右位不欲出去且或下位中情
勢之衆所共知則右位亦或許之故堂上前畫
出之時禮吏必以某都事當差事稟白而劃出

矣近或不待右位之推許而越位劃出者誠是謬
規之甚亦不無紛爭之弊自今以後一依廳規鞠
廳出使自下達上平時出使則自上達下事禮吏
預稟 堂上前以為依例差送之地此後如有越
位圖差及當次圖免者則廳中使之不仕事

一親鞠時當差之員或有離次規避之舉至有右位
越次出仕之弊自今為始當次下位必近伏 帳
殿以待出使而次次舉行俾無換差事

一上經歷之不許出使自是廳規此蓋廳中首任不
可一時暫曠以備自 上顧問之意自今以後上

經歷雖欲出使取便切勿許施事

一金吾自是尊先生衙門而近來羅卒輩悍頑轉甚
司貲一遞之後視若路人少無畏憚之意自今為
始羅卒輩或有犯罪於先生之事或入府治汰或
作牌除名而禮吏以此告課廳中先生不許復屬
之前雖值府中有事之日時任司貲不得任意復
屬以存體統事

名之契此則
茲事後施行

此亦中羅將輩或爭出使或避鞠
廳時苦役暗囑先生不無圖得除

一自今以後勿論叅上叅下吏批擬望差出則一從
吏曹望次以定座次本府草記相換則一從本府

草記次序施行事

無論相換差代次序
本府草記施行事

一出使一節以從口傳差出之規載在廳憲而中間
有劃出之舉轉成謬例致有廳中紛拏之弊每當
急遽之時輒致徃復間遲滯生事之患故前後
堂即爛熳相議以為復舊例之地故更申條約從
今以後緩急出使一從口傳自上達下自下達上
之法而如有臨時圖避之事則廳中一從舊典不
仕事

一每於舉動時勿論導

駕駕後假當直挾輦等各

差備中或有生事之患則考喧擔當而考喧之中

右考喧擔當者三百年不易之古規而或當各差
備有事之時不無違古例生事之患故如是立議
從今以後一遵古規各差備中生事之時右考喧
專為擔當或有推諉規避之舉則廳中一從舊典
不仕事

一本府長房乃是卽廳先生就理時所處之地故雖
曾經堂上不得許入矣其後 堂卽相議曾經
堂上就理時亦為入處長房之意完議而近來廳
風丕變法不如古雖非 堂卽先生拘於顏面間
多有許入之弊此實大損廳規今因 傳教堂上

先生之法既已永革則凡他時因之冒入尤非可
論從今以往切勿許入事

一已未完議中即廳先生子弟出官免新減日之法
乃所以尊先生加待之道而姪與婿無舉論實為
欠典自今以後先生子婿弟姪中叅上則四十日
而行出官禮又四十日而行免新禮以除十日之
役叅下則二朔半出官又二朔半免新以除一朔
之役事

一今有各司久任即廳入侍之命而本府亦入
於丁未年脩局抄啓中曾無一次入侍之事

故初無久任劃出之舉臨時推諉殊欠穩當自今

工奴色定以掌務官名色或有久任入侍之

命則以為舉行之地事

戊戌完議

一右下位從口傳定次之法蓋由叅下都事無肅

謝之故也而一自序陞慶通之後叅下亦有肅

謝之例故出官免新亦自肅謝日始計則右下

之次不可尼於古規而只從口傳之規自今以後

右下位以肅謝先後之次而同為肅謝者依

古規從口傳之次事

重來則勿拘此例依前座次施行甲寅完議

一本府之有罰禮古也以飲食相罰者非為醉飽也

善詭於盂盤之間以助謹笑而寓戒飭也法久而
弊生一卓屨而至於各卓以至有出官免新時飲
食之廢却且所謂罰禮不一其名而新入之費動
至百餘金此豈古人初出是禮之本意也哉茲議
諸僚叅互舊例一以存廳中之規一以矯近俗之
弊庶幾為法後來永久遵行事

一出官前本無中罰只有大罰二一則曰新入金吾
未諸廳規也一則曰高卧當直傲視右位也以此
施行餘並除之事

一出官時所入限以大大罰禮使羅將設辦兩卓廳

中齊會時進呈事

一出官時書吏廳一兩半廳直庫直處合一兩羅將
房一兩半各位奴子處一兩半此則依近禮施行
至於肅謝時各位奴子處例給錢則依舊例以
一兩定式事

一免新前本無元定罰名而近來有廳風廳規愈往
愈昧免新不遠自有例罰之兩名色今亦以此定
式而並以中罰禮施行其外免新草草等罰名一
並除之事

一免新時又以大大罰禮使羅將設辦兩卓一依出

官例廳中齊會時進呈事

一免新時書吏廳一兩半廳直庫直處合一兩羅將

房一兩半各位奴子處一兩半並依出官例施行

事

當直書吏當直大廳直勤苦既多朔料甚薄依本府大廳直例出官免新時各五錢式合一兩

中式以上元罰例中錢
上下事兩申二

一一次輪回之罰古亦行之此則毋論出官與免新

前後大中罰間一次施行事

一僚貲中家力貧素不可辦此者則古亦有一壺酒

一器肴白面許免之例此則臨時相議事

一出官免新及諸罰禮之以雜物進呈實非古規今

宜悉復舊例一以飲食設辦而若自其家設辦則恐不無善不善是非之端又況僚貲中或有家眷在鄉者器具不逮者難以一例責之一並使羅將設辦以納而亦依舊例勿用各床悉以一卓進呈至於出官免新段有異於例罰以兩卓施行事

一出官前則大罰禮施行免新前則中罰禮施行以存等殺事

一此外操切糾檢及詆諧等罰隨時議定事

一得三曹司而來者未免新前或入直於本府則計減於本府做度日子或入直於當直則計減於當

直做度日子若隨行於交代則計減於本府做度
日若或入直於當直及本府時有後來新位則雖
一兩日入直當直則蕩減當直做度本府則蕩減
本府做度重来亦然事

丙子
完議

附工房節目

一府用之數與不數專係於目下之節與不節而一
任下輩之中間舞弄者實是弊源自今為始嚴立
科条切勿違越永久遵行事

一每年稅錢之幾處幾數給代錢之為幾何鋪陳債
之幾處幾何舊贖捧上之幾何每朔贖錢之幾何

筆債來付之為幾何逐条查實消詳區別修成冊
踏印置之直所色即廳這這親執考閱捧上俾無
中間消融之弊事

一每有捧上時該掌羅將捧納於工房書吏置一櫝
子於長房一一入櫝儲蓄而開金則該掌書吏捧
受每月二十五日色即廳躬親分給於各項應用
處及負役等朔下而二十五日若值公私故退定
晦日事

一該掌羅將之赴未捧納任自稱貸該吏之中間預
下欺蔽官家一切嚴禁而每五日卯酉仕及不時

坐起時現發於親摘奸則嚴杖汰去永勿復屬斷
不饒貸事

一除非經夜公故外 堂即行下依前節目永勿舉
論事

一該色加八時則雖朔下勿為舉論而逐朔報給俾

無積債之弊事

庚辰
完議

完議

一本府當直之不可一刻暫曠非但為番次為重蓋
由乎嚴急之地而不得不乃爾也近或有 堂即
間相避之事則急於免直罔念事體不待新除之

肅謝妄生徑出之計若此不已則後來之弊有不
可言一遵舊式毋論 堂即待其出肅先以不仕
之意知委於禮吏從口傳次次面者交替之後始
呈不仕狀如是完議之後若有冒犯者廳中即刻

一會論稟

堂上以為草記勘罪之地事

嫌避同

一本府當直輪直時古有迸出番次之例而漏於廳
憲只憑口傳而已後來之員每當輪直之時必致
紛紜之弊故今茲彙列舊規以為常目之地事

一本府當直俱為輪直則從口傳下四員分記當直
上四員分記本府而若值七員之時則本府四員

當直三員為定餘皆倣此事

若只一處輪直則毋論本府當直七員輪

直

一上經歷例不入直一都事交代取便故不為入直而雖有右位勿為取便事

一經宿動駕時侵夜坐起時限烽科舉禁亂官分

記時到記食堂時則依例迸直其外則勿為舉論

事

當日赴舉並勿論事

一輪直時諸員中若有式暇則式暇日子仍以公頃磨勘亞次之員次次入直勿為迸直事

一本府輪直時當直司員若值免新則兩處番次不

可不更為分記伊時本府番次亦為迭出事

一金吾即啣素稱清華而近來官方雖不如舊至於
上經歷一都事為任自別不可以循次陞付上經
歷則自有圈點之已例而一都事亦宜以有人望
地閥之負雖或越次從公議陞座以為永久遵行
之道事

一罰例本意宜出於諧謔而法久弊生先輩之存戒
斯在而近來三条加罰未知翔自何時而當時善
謔便成後日痼弊實非恪遵先輩成規從今以後

一依廳憲永久遵行事

癸巳六月
日完議

一上經歷遞去後東壁中若無循次例陞之員則新位中隨時圈點毋或暫曠而雖或有一二橫議斷不撓棄若或拖至四十五日則雖未歸一一依廳憲即刻封崇事

一凡於公故差祭時軍職堂上前則龍脂大廳直舉行即位則扭炬外直羅將舉行乃是府例而即位差祭之班出入之際本無龍脂每患引導之為難昌披莫甚故自今甲午為始每正初鋪陳債中四兩錢付之大廳直處凡京內差祭時龍脂一柄式使之舉行為齊

一本府大廳直料布甚薄實為矜閔最是入直官馬
草價名色雖有工房給代錢追後上下而以渠輦
之貧殘無以策應於逐日進排故茲因廳議永為
革罷而工房給代中馬草價二十四兩段以大廳
直別朔下名色仍為定式俾為渠輦一分紓力之
地為齋

庚子
完議

一先生就因時隨廳待令廳憲備在而間或廢閣不
行事之慨然莫此甚焉從今以後各別舉行以存
古規而至於隨廳書吏段近或以入番禮吏舉行
故公務相妨有名無實此後則別定一人使之着

實舉行而如或又事因循則首吏斷當各別嚴治
事

一堂即先生案及櫝子今為重修此後則典守等節
一令禮吏舉行而堂上案則違改頻數有難隨除
隨錄每一除拜後次次草注後每年正七兩月
移錄於正案是遣即廳案則免新後循例填叩而
其間或有未免新則亦為隨錄於本冊是遣開金
段置于官房出納時禮吏每每告課事
一鋪陳屏帳非堂即先生則就理時不得擅借自是
古規而近來漸不如古雖非先生或有許借之弊

此非尊先生遵舊憲之本意也此後則官負中或有拘私許借者自廳中施以中罰大廳直則除汰

事

乙巳
完議

一本府鋪陳債年例收捧者即由來之厚風不易之美規未知倣甚例而初何時也仰料古人意要在良醫不棄病去婦不遺筵之細密心法固當傳也細受也密而夫何挽近以來傳不改良醫之治病受不見去婦之收筵也鋪陳債收捧每值歲末該掌色交遶之時也故迎送紛忙捱過促急難保有遠慮而存近憂矣於是乎随手散盡無異於閭里

之賣醋合米及至歲改傳掌之後新令欲矯舊令
之失事面自多難處因循經過輒有窘給之端當
初由來之厚風不易之義規果安在哉說弊不如
捄弊從今以往年例鋪陳債收捧時先除鋪陳價
幾兩到付帖紙中有邸易捧邑幾處該色與大廳
直除置後以餘數分排應下等襍費是矣如或不
遵約条復踵前謬歲首排用又有窘給之患是去
等其時當該色吏處責納鋪陳之意永久遵行事

丙午
完議

節目

去丁亥年因堂卽處分欲矯府吏之弊寢至於舉
条啓下以海西耗作条付之惠廳每年十月利
条四百兩式受來矣其後府吏輩謂報房債或十
年或五年条放賣而今則六年条餘在云若過此
限必有復賣之慮故茲以成節目為去乎自今以
後更無放賣是遣如或放賣則當該首吏及作頭
出言者斷當移法司重繩賣食後退去之吏傳授
中計減出給新來之吏而以此永久遵行事丁未新定
一新位罰例舊以熟饒近以代錢付之大門自有定
數加減不得者也雖滿免新日子大門所納如未

準數待之以新位當直本府無得以右位輪直事
一當直本府新位免新前雖因公替出不許計減於
做度事

一先生案則免新後因齊會始得入錄而近或拘於
顏私雖未準納罰例亦有苟且許錄之弊大違廳
憲莫此為甚此後則雖滿免新日子未準罰例當

納勿許入錄事

庚戌
完議



延附揭板詩完板

丁酉六月二十八日左副承旨徐有防入侍時

傳曰予嘗觀諸宋時古事藝祖即一中主慮其獄囚之瘦死開國之初命諸州長吏恤繫囚又以暑盛詔獄吏五日一檢視灑掃獄戶洗滌杻械貧者給食病者給藥少罪即時決遣自是歲以為常寡人以為趙宋屢百年基業之綿遠者未必不基於斯矣況我列祖欽恤之盛德即我家傳授心法而矧予小子叨承丕緒敢不式克欽承對揚休烈之萬一也哉凡係欽恤之政固當隨處惕若而今當暑月又值三伏死

囚之滯獄者屢被拷掠之餘繫之枷而鎖以杻真所謂蓬頭鬼形與鳥獸無異者也噫當刑而不刑當殺而徃放適足為啓僥倖之門增罪戾之道殊非刑期無刑之義初不可議論而其於審恤之政勿以大罪小罪而區別之一依宋朝之古事舉而行之抑或為欽哉之一道咨甫京外有司之臣其宜惕念者至若刑具制各有度笞杖之長廣圓徑枷杻之尺寸斤兩視罪淺深而異其制焉即是不易之関和也近聞京外決獄之地率多不遵法制之歎以已之私而法亦隨而低仰不免為官長飾怒之具可勝寒心噫法者

天下之平也雖以人主操其柄御其權猶且不敢以一毫偏私干於其間況乎命吏哉可並知委京外恤囚斷獄之際體予申勤之教恪謹遵行予聞化自近出政由內始京師之獄如彼其雜亂則外邑奚論刑房承旨馳往法府法曹取其笞杖枷杻之不如法式者一並收聚照法準視彙列以聞外邑亦當鱗次差遣御史抽柱憑驗如其犯者隨現重繩斷不饒貸諸道方伯及居留之臣為先發送徧裨逐邑摘奸劃即釐正俾無從後現發之事已前之違越格式者非止一二年之弊則諸道查閱之時雖有現發者除非

大不法之刑杖外屬之令前姑勿上 聞只令即速
革除事一體知委

今十月二十九日大臣脩局堂上引見入 侍時

上曰朴尚春疏中所陳北路契瘠八条皆有意見昨

既召見条問其對亦頗詳悉次對之特 命進定蓋

為是耳卿等条陳稟處可也領議政金致仁曰其一

銀礦金穴之敗徒逃租避穀之健兒成羣如林時肆

攘奪流徙之作挐村閭者與盜同罪另加禁止刷還

本土事也礦店之契朝家業已洞燭年前 飭教遍

下諸道則疏中云云似是舊礦舊店之謂而荒年之

政莫先於嚴戢暴子第一依所請避租避役無賴之類各其地方官嚴飭各其社里如有成羣攘奪作挐村閭者捉納官府施以行盜之律亦自官府時時巡察或刷還本土或別般募接使之各有歸屬為宜矣左議政李性源曰御史方在道內亦令一體禁戢為宜矣右議政蔡濟恭曰無賴成羣與盜何異各別嚴禁之意申飭道臣與御史宜矣上曰依為之開礦設店之又欲嚴防即予為民苦心議者或曰地利不必藏塞云而此非達論求銅則有倭銅求銀則有燕銀何必地無遺利然後方可謂富吾國乎近年以來

有司之臣。擿得朝家本意。礦店一事。雖不敢發於
筵席。若聞某處產銅。某處出銀。則稱以看審。輒遣差
人。外方營邑。亦皆如是之故。至有此朴尚春之疏論。
且以疏語觀之。非已設之謂。即將設處為弊之乃已。
其言是矣。自今嚴立科条。無朝令之經稟。頒示而京
而有司外。而營邑甘聽牟利之說。假稱看色。發送差
使者。有司之臣。及該道臣。直施制書。有違律五等。集
告身功議。勿為分揀。不禁或自犯之。守令拿致。營門
從重決杖。禁錮三年。各該差人。嚴刑一次。定配計士
營。裨同律。無賴輩之。無論因官令。無官令。逗留於此。

等處者令各該討捕營直施治盜之刑首倡人充軍
事定式施行禁府戶刑曹及巡營討捕營以此揭板
稍俟頒令之限別遣摘奸於可送處此意自廟堂拔
例嚴飭於本道及諸道俾有實效可也

戊申十月 日

甲寅五月初十日時日前掌令姜鳳瑞原情公事

判付內以草記議處照律為旆近事時日無端滯日
除非提飭不即捧供卿等之具公服赴坐固似勞矣
囚人之久滯其苦豈比卿等之勞則齋日外空日惟
意不坐而廟堂論責之草記該房察推之院啓久未

見之此亦壞例之一端此後申明舊典俾勿拋置為
旂判堂卿段越俸一等諸堂從重推考無端不坐過
三日不為提醒於堂上則首都事先汰後拿當該首
堂下義禁府推考事定式以此判付大書揭板虎
頭閣以為常目著念之地為良如教

本府之有罰例古也罰以酒食者非為醉飽蓋出善
諉而尊右位守府例之義亦未嘗不寓於其間也夫
何近年以來罰頻而品侈費鉅而弊滋徃徃貧窘之
家旅宦之人不喜職名清華反苦無中辦有甚至於
責出陪隸脩經艱辛是豈古人會數禮勤之意也哉

知如是為病不如是為藥真格言也不可不及今改之議于即僚僉曰可茲就舊例畧附新規遂成節目揭之壁上以為永久遵行之地

一罰例之以三兩脩一卓饌即古例也中罰大罰之名間或有之而未有若今時之頻數也故尤無以責應此後則大中兩名色永為革罷為齊

一出官前兩次罰例有不可廢此外則永除之為齊
一出官時罰例使陪隸設辦齊會時進呈而此則雖是一卓與他罰例有間饌品比前稍厚而無過十兩為齊

一免新與出官同近或以雜種代納甚非古規此後
一依舊例以酒食設辦而僚貲中或家眷在鄉或
器具不逮難以責辦則一並使陪隸擔當備呈床
則以一卓為定切勿各床又無過十兩為齊

一出官免新時書吏羅將及各位奴子處帖子依舊
例各以一兩五錢庫直大廳直各一兩為定而肅
謝時各位奴子例給錢以一兩為定為齊

一僚貲中貧寒不能辦者曾有白面許免之例一盃
酒一器有許其出官免新亦是厚風以此施行為
齊

一本府開坐諸貢齋會之時每月不知為幾次若諉以公會輒責罰例則是難繼之道只京外經宿動駕時本府貶坐時託使之輪回脩呈為齋

嘉慶三年戊午五月 日

右完議事羅將八十名乃是朝家之元額數則實非本府之所可增減而比年以來或因堂郎分付而加出或因渠輩循私而許入今至於一百二十餘名之多不但大有違於當初定式之本意無賴之類夤緣投入憑藉橫拏聽聞所及莫不駭惋苟求矯弊之道無出於除其冗雜一定元額故也八十名外一並除

汰自今以後雖一名無得加出之意堂即齊議成節
目揭板為去乎日後渠輩中若有額外加出之弊則
頭目羅卒移送法司照律重繩斷不饒貸以此永久
遵行事

嘉慶九年甲子七月 日

辛丑閏五月初十日上經歷朴海壽自政院發牌以
司謁口傳 下教曰官豎所囚之間本自有之不但
他囚不得混處不得出間門亦不得與他人酬酌古
法然也其果遵守否近年頻有官獄未免踈虞而姑
無大段現發之事故雖不處分此後則益加防禁罪

囚或他人中若有與官豎混處及酬酌之事官高者
自本府先以何以為之意草記而囚於死囚之間卑
微者直囚後草記若是申飭之下如或不善檢察至
於現露之境則上經歷必當重勘以此意揭板遵行

金吾解字節目

右永久遵行事王府所重與他司有異虎閣乃時囚
議讞之地蓮亭是御製奉安之所東廳即公事出
納之處則其為關係莫重是去乙挽近以來法網解
弛先自府屬輩並與閑雜人而無常出入甚至遊嬉
或登大廳而摘窓偃卧上蓮亭而憑檻垂釣入東廳

而橫竹雜技而所謂府屬輩恬若尋常不為禁斷末
流之弊至於毀劃尾漫污穢壁宇破傷鋪陳闕失文
簿之境瞻聆所及萬萬寒心見今府後修繕之後不
可不痛革前弊嚴立禁条然後始可以董飭而府屬
守直各所是如乎茲成節目書揭壁上一依後錄条
例各別惕念施行者

一每於卯酉仕日上經歷一都事招致各所掌檢飭
其有無頃而如或有頃者令該所掌自當修改事
一禁雜人事外直及色掌羅將等待不離於大門內
外凡干邸吏廛人因公往來者先為八告於番官

這這呼望雖往來傳喝及書札皆令受入受出其
下隸切勿許入事

一閑雜人如或上大廳蓮亭者及坐起時帶率下人
等坐立於廳上喧譁者自番官隨現嚴杖事

一府屬中如非因公舉行則無敢逗留於廳上及亭
上事

一上直書吏不敢乘夜招致閑雜人遊嬉而如或犯
科自番官隨現嚴治事

一東廳及堂上房則入番書吏主管者檢事

一坐起大廳及蓮亭西廳等處入番大廳直主管者

檢而壁宇門戶鋪陳等屬有頽則隨現摘葺闕失者告官推索毀破者自當修補事

一東南西間樓上庫以下月廊東西北內牆垣入番羅將主管者檢而瓦子木石等屬有頽則隨現摘葺闕失者告官推索毀破者自當修改事

一府外東西北牆垣各其家前主人主管者檢而瓦子脫落水道潛通等事一切嚴禁而如有犯科則自番官推治後使之自當修改事

一各所兩漏及廳板破落牆垣潰缺處依例知委繕工等處修補事

一上直羅將軍士除闕後東西挾門下鎖而如有公
事往來則告官開閉事

右文為永久遵行事羅將古無牌今之有牌自丁亥
始也其制長與廣同中高四殺外作八隅前刻羅將
姓名及年幾甲長幾尺面貌髯疤各隨其人後面刻
年號幾年某月日仍烙義禁府三字印此其舊式也
一有除差則輒加改違事或紛拏弊又滋長其後寔
舊制改作圓牌只刻義禁府羅將五字兼烙籌司脩
字印以重其事體而姓名容疤闕而不載號曰輪牌
故雖有除差不煩改造自相摠佩甚簡便也第以無

名字無疵記故閑遊之輩冒稱羅將私相借佩弊端層生聽聞駭惋故今依丁亥舊式一並改造八隅牌而兼遵輪牌例本府印及小脩字印前後面並烙以此定式永久遵行為齊

一羅將元額為八十名丁亥新定節目時慮其事後煩重舉行苟艱別定實加出二十名合為一百名矣近來額外冒入日益浸廣故百名外且定實加出二十名該錄案給牌一如元額並為一百二十名而其餘冒稱者一並除汰為去乎今此更張之後統率之道操切之方宜當有別般定式是乎所

每月某日定為一次點考而前期二日出令知委
使之一體等待無敢闕而不叅是乎矣或一次見
闕決答二十再次見闕罰錢三兩三次見闕舉廳
除案永勿復屬以此完議斷不饒貸是遣日後若
有罪汰後身故者則隨闕填代不踰時日丁亥節
目中自集矣廳圈點填差一體申明遵行為齊

道光十七年丁酉七月 日

大門節目

一罰例錢六十六兩三錢五分一都事監捧為齊
一隨所捧除給大門錢四十二兩各行下一都事親

檢分給俾無中間乾沒之弊為齋

一罰例未了不許免新為齋

一自正月至六月以一百二十六兩

三郎位為用作

定自七月至十二月亦依此作定為齋

一每朔二十兩式計給當朔大門直為齋

一當朔卯酉仕坐起

或終日

罰例行下所用限以二

十以內錢已盡則闕之可也勿為來朔所用引用

為齋

一卯酉仕坐起元定罰例行下以外

動駕時或叅

謁等時既無所用必致加下此則別置簿以待六

位外或有一二位交替罰例以此計給為齊

一節之又節雖一分置簿留置能至有餘都合為習杖債為齊

一假令一年兩政或全數陞移或全無陞移一百二十六兩排朔外留置以為來頭六朔排条為齊

一卯酉仕罰例以中罰兩舉行奴子行下五分為齊

一暫時坐起如捧供議處照律等罰例停止奴子行下依例

一終日或經夜坐起如口招刑推等以中罰舉行奴子行下依例為齊

一動駕時大罰例舉行兩行下一錢作定為齊

一朝前 動駕朝前 還宮時中罰舉行行下五分
作定為齋

一陵行祇送迎時大罰舉行行下五分作定為齋

一六月十二月叅謁時中罰舉行行下五分為齋

一上經歷封崇及一都事交替時行下以曲護次區
處有則因給無則行下書以待曲護出給為齋

一都政時軍價十四兩大門有錢則給之若無錢則曲
護次處下為齋

一西廳筆債自官用下勿入於大門下記為齋

一曲護債都合每年六臘月二十日卯酉仕時會計

遞等及封崇時行下及官習杖債三十兩並計給為齊

一官習杖債三十兩作定為齊

一官習杖債三十兩內曉頭酒肴以中罰為之晝罰例以大大罰為之奴子食床直各一錢行下餘數則本府舉行負役等及各宅奴子食床直等供饋與負持雇價並擔當為齊

一曲護債多寡未能先知各項用下依例上下後若有餘財取合於筆債束筆分兒時若不足則各項上下依條例以行下紙待日後有財上下為齊

一先下分兒外聽非真勿為準信為齊

一一都事通等時例下三十兩五所任羅將十兩元
陪五兩加陪三兩本宅奴子五兩食床直三兩廳
直一兩板直一兩諸軍士二兩為齊

一上經歷一都事封崇時大罰例舉行諸書吏大廳
直五所任羅將及各宅引加陪十宅奴子食床直
諸軍士當直書吏大廳直羅將各一錢為齊

一私習杖以春秋兩等官前習杖一月十兩式出給
為齊

一各行下署押必以一都事花押施行為齊

一官習杖以春秋三九月十五日作定為齊

甲辰四月 日

罰例記行今遵

肅拜錢一兩三錢

大大罰十五兩

大罰例九兩

出官錢十兩

免新錢十兩

出官草價二兩七錢

免新草價二兩七錢

契帖價三兩

諸書吏例下三兩

諸羅將例下三兩

本府大廳直二兩

諸軍士一兩

護新訓五兩

奴子錢四兩

已上七十一兩七錢

蓮亭有

御製懸板而絳紗黯黑無以奉覽只錄諸宰臣詩于板上列于卷末

書金吾會飲圖

清時仕宦執金吾庶免人嘲賤丈夫日向虎頭參
問行隨豹尾戎前驅朋情不關資高下王事奚論俸
有無幸托餘閑供笑語何妨携酒醉西湖

金宗直

崇禎甲申後四十一年甲子十月 日刻

菰蒲楊柳似汀洲六月清風凜欲秋更有碧荷香滿

閣恨無官酒傷幽憂

知事朴啓賢

獨坐金吾蓮亭

傍人莫道此身忙欲把名場換酒場
時向曲欄成獨坐玉池荷氣滿襟香

松江鄭澈

謹次

聖恩偏重任奔忙月上江樓驚下塲
猥帶三脚憑古檻感吟吾祖玉池香

聖上即位八年甲辰季夏六代孫同知事 枋

次

人間何地不奔忙到處心閑是道場
端坐小窓無一事隔牆風送白蓮香

知事鄭公

林塘

以問事郎廳坐上直房題

無官居舊臺

知事朴谷賢

一得坐金吾通亭

人參道北身似欲把名馬換酒場時向四側視獨

王德何氣滿襟香

松江縣

設次 味事換松公 以問事 鳴鶴坐工直衣履

王品辭風經香 靈曆上江樓 驚下場 候帶三印 舊官

無賦吟 出 不 奉 謝 修 刻 以 閑 吳 童 新 林 坐 小 窓 無 一

聖上即位八年甲辰季夏六代孫同知事 坊





